

OKVIRNI SPORAZUM
Za nabavku roba broj KZ - 20/17
(Tehničko održavanje i servisiranje liftova i kosih platformi)

Zaključen između ugovornih strana:

1. **Javne ustanove Dom zdravlja Kantona Sarajevo**, sa sjedištem u Sarajevu, ulica Vrazova br. 11, ID broj: 4200174570004, koju zastupa generalni direktor mr.sci.med.prim.dr. Fuad Husić (u daljem tekstu: **Naručilac**)

i

2. **DVG Alm Company**, sa sjedištem u Sarajevu, ulica Nedima Filipovića bb, ID broj 4200554480008, kojeg zastupa Nihad Fetahović, (u daljem tekstu: **Izvršilac**).

I Osnovne odredbe

Član 1.

Strane u okvirnom sporazumu saglasno konstatuju:

- da je JU Dom zdravlja Kantona Sarajevo, kao ugovorni organ u skladu sa Zakonom o javnim nabavkama "Službeni glasnik BIH broj 39/14) proveo postupak javne nabavke broj: KZ 20/17

- da je JU Dom zdravlja Kantona Sarajevo donio Odluku o dodijeli okvirnog sporazuma broj: 01-03-9721-7/17 od 24.01.2018 godine, u skladu s kojom se zaključuje ovaj okvirni sporazum između JU Dom zdravlja Kantona Sarajevo i ponuđača DVG Alm Company.

II Predmet okvirnog sporazuma

Član 2.

Predmet okvirnog sporazuma je **tehničko održavanje i servisiranje liftova i kosih platforma** radi zaključivanja pojedinačnih ugovora u javnoj nabavci **usluge** između ugovornog organa i ponuđača u skladu sa uslovima iz tenderske dokumentacije.

III Važenje okvirnog sporazuma

Član 3.

Okvirni sporazum sklapa se na jednu godinu, a stupa na snagu danom potpisivanja svih učesnika sporazuma.

Tokom perioda važenja ovog sporazuma, zaključit će se više pojedinačnih ugovora sa najpovoljnijim ponuđačem u zavisnosti od stvarnih potreba korisnika ugovornog organa.

IV Cijena

Član 4.

Ukupna vrijednost ovog okvirnog sporazuma iznosi **14.000,00 KM** bez PDV-a.

Cijene su fiksne i ne mogu se mijenjati tokom važenja ovog okvirnog sporazuma za redovno mjesečno održavanje.

Ugovorni organ je u predmetnom postupku nabavke odredio ukupnu cijenu predmeta nabavke, s obzirom da se zbog prirode predmeta nabavke ne može unaprijed predvidjeti i odrediti tačna količina i obim usluga.

Ugovorni organ se ne obavezuje na nabavku predmeta nabavke do utvrđene vrijednosti u cijelosti. Stvarna realizacija ovoga sporazuma će zavisiti od stvarnih potreba ugovornog organa ali ne može preći utvrđenu vrijednost okvirnog sporazuma.

IV Način i uslovi zaključivanje pojedinačnih ugovora

Član 5.

Nakon zaključenja okvirnog sporazuma, kada nastane potreba ugovornog organa za predmetom nabavke zaključit će se pojedinačni ugovor ili na osnovu narudžbenice i dostavljene fakture realizovati predmetni posao nabavke sa ponuđačem u skladu sa tehničkim specifikacijama i zahtjevima ugovornog organa.

Obaveze za potpisnike ovog Okvirnog sporazuma nastaju tek zaključivanjem pojedinačnog ugovora ili dostavljanjem fakture po osnovu narudžbenice.

Član 6.

Ugovorni organ nakon dostavljene ponude za pojedinačne nepredviđene popravke, dodjeljuje ugovor ili dostavlja ponudu i predračun ponuđaču u skladu sa uvjetima, kriterijima i tehničkom specifikacijom i drugim precizno definiranim uvjetima utvrđenim u zahtjevu za dostavljanje ponude.

Član 7.

Prilikom zaključivanja pojedinačnih ugovora o izvršenju predmetnih usluga, potpisnici Okvirnog sporazuma ne mogu mijenjati uslove ovog Okvirnog sporazuma.

Pojedinačnim ugovorima o vršenju predmetnih usluga ili narudžbenicom i fakturom utvrđiće se prava i obaveze ugovornih strana koja nisu uređena ovim Okvirnim sporazumom, u skladu sa tenderskom dokumentacijom i ponudom ponuđača, i to naročito u pogledu: pojedinačnih konkretnih potreba po osnovu pojedinačnih zahtjeva, a koja će zavisiti od stvarnih potreba ugovornog organa, načina izvršenja, načina plaćanja, a po potrebi i dugih elemenata bitnih za realizaciju, u skladu sa opštim uslovima ovog Okvirnog sporazuma.

V Obaveze ponuđača:

Član 8.

Ponuđač se obavezuje da će sa realizacijom ugovorenih poslova početi po zaključenju pojedinačnog ugovora ili dostavljanja narudžbenice, a na osnovu ovog Okvirnog sporazuma.

Ponuđač se obavezuje da će poslove po osnovu pojedinačnih zahtjeva o izvršenju izvršavati poslove prema potrebi ugovornog organa tj. sukcesivno ili jednokratno na osnovu pisane narudžbe.

Prvi pojedinačni ugovor o redovnom održavanju i servisiranju zaključiće se na osnovu potreba u količinama koje će biti utvrđene od strane ugovornog organa a definisaće se u Aneksu 2 - obrazac za cijenu ponude u skladu sa javnim pozivom.

Svi ostali zahtjevi će se definisati sukcesivno u skladu sa potrebama ugovornog organa a u sklopu potpisanog Okvirnog sporazuma. Ugovorni organ zadržava pravo da u slučaju dodatnih popravki liftova procedure provede na način da neće potpisivati ugovor, a da će se obavezom ugovornih strana potpisnika Okvirnog sporazuma smatrati upućena narudžbenica za izvršenje posla i dostavljena faktura o izvršenom poslu.

Ukoliko se ukaže potreba za nabavkom usluga i zamjenom dijelova koji nisu predviđeni tabelom B, izabranom ponuđaču će se uputiti poziv za dostavljanje ponude, te nakon usvajanja

iste, dostavit će se narudžbenica, a nakon obavljenog posla fakturisati urađeno. Dalja procedura će se provoditi kako je navedeno u prethodnom stavu.

Član 9.

U slučaju da ponuđač nakon zaključenja pojedinačnog ugovora, zaključenog na osnovu ovog Okvirnog sporazuma ne izvršava svoje obaveze u skladu sa dostavljenom ponudom, specifikacijom dostavljenoj na osnovu tenderske dokumentacije i potreba ugovornog organa, ne izvrši usluge na način kako je to potrebno, ugovorni organ ima pravo tražiti otklanjanje nedostataka.

Ponuđač je dužan u cjelosti nadoknaditi ugovornom organu sve troškove prouzrokovane neizvršavanjem preuzetih obaveza. Ugovorni organ, ima pravo na naknadu stvarne štete uključujući i štetu nastalu na drugim dobrima prema opštim pravilima o odgovornosti za štetu.

Pojedinačni ugovori o isporuci robe obavezuju ugovorne strane za cjelokupno vrijeme njihovog trajanja.

VI Obaveze ugovornog organa

Član 10.

Ugovorni organ se obavezuje da će izvršiti plaćanje za isporučenu robu po svakom pojedinačno zaključenom ugovoru nakon ispostavljanja faktura.

Način i rok plaćanja će se definisati pojedinačnim ugovorom o isporuci robe.

VII Prelazne i završne odredbe

Član 11.

Ponuđač odgovara ugovornom organu za sve štete prouzrokovane namjerom ili nepažnjom ponuđača do iznosa stvarne štete. Odgovornost za štetu utvrđuje se u skladu sa odredbama važećeg Zakona o obligacionim odnosima.

Član 12.

Potpisnici ovog sporazuma su saglasni da će sve eventualne sporove proistekle iz ovog Okvirnog sporazuma kao i zaključenih pojedinačnih ugovora rješavati prevashodno međusobnim dogovaranjem.

Ako potpisnici ovog sporazuma ne uspiju riješiti nastali spor ili problem, međusobnim dogovorom, za rješavanje spora nadležan je Sud u Sarajevu

Član 13.

Sporazum je sačinjen u dva primjerka od kojih svaka ugovorna strana zadržava po jedan.

Ugovorni organ:



GENERALNI DIREKTOR
Mr.scI.med.prim.dr. Fuad Husić



Broj: 01-03-9721-8/17
Dana, 12.02.2018 godine

Ponuđač:

DIREKTOR
Nihad Fetahović



Broj: 259/18
Dana, 16.02.2018.